


施氏宗譜

仙字號
卷之二





重修宗譜序



國有史邑有志而宗族則有譜譜者猶史與志也史以紀行事志以正風俗而宗譜所以明世系別親疏辨昭穆尊祖敬宗之義也宗法廢則親愛之風漸弛視族人休戚恍若越人視秦人之肥瘠漠焉無所經其意甚且以富傲貧以貴驕賤以強欺弱以眾暴寡比比然矣則譜之有關於世道人心也豈不大哉吾族自始祖伯公以來支裔遍東南繁不勝記至五十世祖邁公由吳興徙居張徑橋遞傳六十五世諱祥瑞居施家村諱文爲居張徑橋北村諱百通居張

徑橋南村諱百榮居北分頭與北阡門總之同邁公
之裔也但譜牒之修自宋以來代有編輯至嘉慶戊
午修者止張徑橋南北兩村屆今已五十九載矣若
不急加考訂勢必湮沒難稽己酉春予逐戶查輯挨
次繕稿本欲付梓適遭凶年有志未逮心甚慘然延
今年己七旬自忖猶可任其仔肩故不辭勞瘁不畏
晚年晝夜辛勤惟茲譜事爰將邁公一派遠徙者不
能遍查近知者彙同修葺如施家邨妙濟阡張徑橋
南北兩村北分頭北阡門共五村序長次別遠近條
分縷晰珠聯繩貫自春徂夏以續訂成書展是卷者

咸知某也祖某也宗某也祖之所自出某也宗之所
由分而親疎燦然尊卑秩然昭穆犁然族人大爲雀
躍羣稱丙力丙何敢居惟是毋稍背謬不負厥職尙
堪告祖宗而對族姓云耳若夫會齊吳興而統修之
俾斯譜得以大全是重有望於後之仁孝有力者
大清咸豐六年丙辰

七十八世孫丙鳴山修葺謹撰

十八冊將丙御山鈔書編覽

大清康熙六年丙戌


幹濕醜餘以大全長重...

數奇厥宗則世效...

顯掌撫...

由長而...

氣味某出...



銀坊施氏重修譜序

聖人之治天下反古復始不忘其所由生上治祖禰
下治子孫旁治昆弟合族而食別之以禮義尊祖故
敬宗敬宗故收族收族故宗廟嚴此非獨三代盛時
然也魏晉而降猶綜核百氏以門第官人譜牒皆藏
於有司迄于李唐特相崇重其後譜學不講仁人孝
子水源木本之思茫乎莫寄宋歐陽氏蘇氏乃使族
人各爲譜而各詳其宗蓋不敢遠引不屑附會尊吾
之所自出詳吾之所尤近敦本睦族以相衍于無窮
其法稱簡慎焉吳興施氏系出東魯歷漢迄今代有

名人彪彪炳炳世家大族罕有興媿而銀坊一支則
貫之公所肇基添孫公所續緒由宋以來數百有餘
載矣其子孫書香相繼孝友是敦綿延繩振千有餘
眾古云盛德必百世祀亶其然乎其族之俊肇東輩
恐其源遠而未分則譜之修宜亟也因簡閱故籍稽
核子姓殫心數載以成是書絕非有所牽引聯綴而
特于其聚族而居者以仁孝之心合之也殆深有得
於歐陽蘇氏之簡慎而尊祖敬宗收族之意觀是譜
者可以油然而生焉顧不鄙而問序於余惟施之先
世有以戶部尚書立淳祐朝者嘗裒其世系功勳奏

議文集寵荷宸翰錫以文章繼世科第傳家之額大
學士四明鄭公請之承詔旨撰譜序輝煌簡冊矣洎
後修輯不一率多名公鉅卿之辭媿余之不文無以
踵前美云

龍飛雍正癸丑孟夏穀旦

賜進士第文林郎翰林院檢討內閣中書教習內廷
眷侍教生嚴樹基頓首拜撰

...

...


...

...

...

...

...



重修族譜序

施氏以吳興爲望族遠者姑勿論其近者如古桃曉壑地方以及本邑銀坊西圩所在都有近與曉壑聯譜其餘猶各自纂修至陳安一脈自宋代聚族以來其初未有譜譜之設肇乃運公於康熙年間創立宗祠因之講明譜法今觀其家乘所載規條整肅義例詳明乃知其祖訓留貽賢子孫率而由之士澤詩書農安耕鑿其鄉隣風俗之美足爲遠近取則者其來蓋有自也壬寅之歲其族中賢達念譜事之修于今數十年及今不舉誠恐將來考核惟艱爰是重加修

輯悉意校讐去其煩蕪獨存體要保世承家敦倫睦
族悉于是乎在余不敏無能爲役以忝在葭莩兼關
洽比謹附數言以見爲人後者用心當如是後之覽
者亦將觀感而興起焉是爲序

乾隆歲次昭陽單闕律中夾鐘之朔

荅上眷末潘繹堂頓首拜撰

重刊宗譜序

陳安施氏宗譜序

萬物本乎天人本乎祖人之有祖猶木之有本水之有源也上溯數百年而支之分者分而又分派之別者別而又別大抵人眾則易渙誼疎則易離渙則惟譜有以聯之離則惟譜有以合之記曰尊祖故敬宗敬宗故收族與凡序長幼辨尊卑別親疎正名分生卒葬娶秩然不紊者此大宗小宗之法所不廢歟夫家之有譜猶國之有史書字書名不容疎虞掛漏溯施族自魯惠公之子施父五世孫伯世居曲阜盡忠規諫名顯於時遂以高祖字爲氏其裔最著者在

漢則有太尉公名延在東晉則有征西元戎施明侯
名斌俱廟食千古厥後文人學士代有傳人禮樂簪
纓於今勿替詢吳興之望族也至五十六世 國祚
公由青陽徙孝邑陳安是陳安一脈與西圩銀坊兩
處皆異派而同源伯公爲施氏之鼻祖而國祚公又
爲陳安始遷之祖第歷世久遠族大丁繁若譜牒不
修將長幼何由序尊卑何由辨親疎何由別名分何
由正生卒葬娶何由考陳安之譜由嘉慶庚午四修
之後蓋二十九年於茲矣是役也正合司馬溫公三
十年一修之例今於舊牒之後續以新編非因陋以


就簡蓋酌古正所以宜今而更新亦居然仍舊文之
失者畧爲增字之繁者畧爲減世牒世系燦若列眉
使一族之人咸知尊祖敬宗之義重訂於一集示營
共聚於一堂是皆諸君子之贄能克襄其事也又何
慮人眾則渙誼疏則離哉余家世宛陵與孝邑接壤
熟聆德音稔知陳安一族農愿而慤士秀而文俗美
風淳有古先民遺範因不辭謏陋謹序數言以弁其
首

道光十八年歲次著雍閏茂秋月

宛陵揚夢蘆頓首拜撰

首

風動言古大以豐論因不獨論剛動享禮言以在共
 幾條盤音外映刺定一效幾思而慈士秀而文俗美
 肅人照眼與前無限論餘參世檢刻與琴邑對對
 共聚苑一掌長皆能其子公習論京爽其車出又所
 助一類之人氣映尊顯始宗文美重情外一舉示會
 夫皆畧默世字之樂有畧論其世教世系烈皆既得
 燎簡蓋酒古五派以宜令而更藤衣昇然仰費文



施氏續修宗譜序

從來莫爲之前雖美弗彰莫爲之後雖盛弗傳是譜之一事固光於前而垂於後者也篤志宗監者可不勤爲修葺哉是歲冬余於荷山村館暇閒步大谿適有施翁學聲者會邀其家具酒食云及家乘之事所以序昭穆別親疎尊厥祖敬厥宗而聯九族於一本者也有美弗備於心不安因出其己卯倡修格式與余觀之未免於兵燹之後稽查莫罄叅攷難周以致分支別派而章程字迹有未盡善者於是愨然難安志切續修會集房眾共商此議罔不欣然而樂步其後力爲贊襄時聲翁年

逾七旬精神猶健取齊冊集不憚耳目之勞親爲校對
規做歐蘇亟付梨棗僅存己卯重修之譜共彙至四冊
今續修之首卷尙存二本餘復從而刊刻之刪其重複
正其紛亂凡前集所未備者重加討論所未精者更爲
修飾俾施氏已往之先靈默鑒後嗣之維肖將來之生
齒咸知前輩之精心是所謂功在一時而澤及後世也
余才慚襍線學愧記問忝承諮訪敢竭鄙忱用是而約
畧序之以俟其厥後云

光緒辛卯仲冬月下浣之吉

皖懷麟閣氏張樹勳拜撰

重修施氏宗譜序

竊施氏始於東晉征西元戎明公在吉東樂平祠發
脈至今古跡猶存雖有千百餘歲廟貌常新安民錫
福求必應感必通故渠後裔蒙祖功宗德之遺芳族
蕃支茂吳興分遷共有數百餘村太興元年間第六
十二世理公居潘村祖負笈遊遍山河欣羨大谿之
怪石玲瓏奇峯毓秀青山並茂綠水長流遂托足焉
爲本村之始祖傳至第七十六世宗良公居大溪克
昌厥後瓜瓞賢綿綿若不修其家乘則人不知所自
出與其所由傳所以家廟之重於譜者亦由朝廷之

重於史耳古帝王尊敬德以史記爲準繼明歷代之
風化序萬世之勳猷忠臣孝子同爲一體賢子孫慎
終追遠以譜牒爲仁傳註世系則知世代之相承立
正傳則知親疎之序由是做渠淵源舊法重加較輯
以嗣孫學聲爲始另修家乘向有明條今遭劫後殉
難者旣多仙逝者亦不少因將修輯告竣爲生配無
可稽查卒葬難於考證猶恐世遠年湮尙失一綫之
眞傳囑余註序俾施氏宗支一律入祠子子孫孫受
饗勿替繩繩繼繼樹德務滋由是左昭右穆旣明別
派分支而大宗小宗得著條分縷悉庶幾分衍可識

文學可彰有德可尊嗣續可明也余嘆施氏德遠源
長所以前吏部尚書梁公請以世德作求之一言真
金石而不謬也是爲序

崑

光緒五年歲次己卯律叶蕤賓中浣之吉

安吉貢生夏雲拜撰


光緒正年... 欽定四庫全書

肯

金... 而不... 出... 長... 盈... 京

是... 以... 前... 吏... 游... 尚... 善... 樂... 公... 儲... 以... 博... 於... 外... 文... 一... 言... 實

文... 學... 法... 律... 有... 益... 回... 轉... 國... 載... 何... 冊... 出... 余... 麴... 煎... 升... 謝... 敬... 承



施氏重修宗譜序

邑西二十里有聚落焉曰漁溪口施氏居之故吳興望族也自晉征西公食采桃城子孫世居安吉數傳至孝恭公遷居嵎邑宋承事郎裕公由嵎遷居銀坊復胥宇於此是爲漁溪口鼻祖敦詩說禮代有聞人先外舅秩如公倜儻士也勤學立品見義勇爲與先大夫璞崖府君爲文字交詩酒往還殆無虛日華因得忝居甥館憶咸豐戊午之春肅衣摳謁外舅手一册以示華曰此余手修之家乘也吾族譜系剏自上饒正憲公厥後遷徙不一自爲分修漁溪口支譜自

嘉慶己巳續纂以來迄今又五十餘稔族屬集議重修命余及族叔敦五耔田爲主纂竭慮殫精匝歲而後藏事第自慙駑下不克踵事增華以闡揚先烈良用耿耿華受而讀之見夫體例遵前加多綜竅激揚在數字之間攷訂在傳疑之際或前代所疎畧必研究而加詳或時俗所諱言亦大書而無隱嚴非種之鋤而異姓不得稍溷於宗支發潛德之光而浮辭不得妄鳴其溢美直與後漢應劭氏族一編王符潛夫論姓氏一篇宋何承天姓苑二篇並垂不朽矣盥誦之餘莫名欽佩亡何至咸豐庚申粵匪肆擾竊踞金

陵窺伺江淞之逆由宣歙而犯會城我邑適丁孔道
賊蹤絡繹蹂躪數年幾無噍類施氏自漁溪口及散
處各村若桐杭老石礪平鹿等莊有一房而僅留數
人者有數房而不留一人者合計通族食指纔數十
而已卽新舊譜系亦如雲散風流莫可究詰回首前
型輒增惆悵歲丙戌敦五公喆嗣聽濤茂才蹙然優
之謂際此紅羊厯劫譜事不舉將有數典而忘之慮
亟謀族屬協力興修維時族人德清藏有己巳舊牒
三卷又都殘缺不完爰爲之因端竟委博採旁搜十
閱月而工竣說者曰斯舉也於敬宗收族之道守先

待後之功不遑多讓謂能與前此後先媿美誠不敢
阿私所好是則然矣曾亦思老成凋謝文獻無徵時
異勢殊有迫於無可如何者乎冥漠之靈自當曲爲
原之雖然無平不陂者勢也無剝不復者理也


聖天子休養生息寰海鏡清凡普天率土之濱莫不耕
鑿相安保庶滋大矧施氏累仁積德流澤孔長行見
數傳而後椒衍瓜綿賢豪輩出後之視今且遠勝於
今之視昔則凡裕公而降以迄先外舅在天之靈有
不爲之大慰乎豈不懿哉茲者刊刷旣竣聽溥嫺丈
以華黍關戚誼且諗知原委囑爲叙其顛末竊不揣

固陋敬書數語以弁其端云

時在

光緒十二年歲次丙戌奠開十葉之吉

姻晚王蘊華頓首拜撰




次第十二子以木丙火其開十葉之吉

限銀玉盛華勉首我選

制并

固酬婚青嫂請以我其繼云



續修譜跋

譜訓三十年而修我施氏家譜自道光甲辰重修以來族遭兵燹子姓散亡越今已四旬有九其間名號生配卒葬繼祧闕而未列於譜者多矣遲之又久保無昭穆紊淆宗支失次而能免所生者不忘所自耶治譜之舉曷容緩焉壬辰歲族之學貴長壽兄若弟輩通理聚商僉謀重輯因不禁忻然曰修譜所以敬宗睦族此固業夙昔有志而所未逮者也於是詢諸各支圖其世系其叙事蹟登簿具稿不謂編摩伊始而弟學貴者竟以執事與勞遂爾速駕相迎作賦玉

樓也能不悲哉夫譜爲族姓淵源所系業也不才奚
敢自棄違公而墮大事爰是率諸族眾奠告先靈勉
所未逮延請良梓涓吉開修取舊牒而參酌焉信者
存之疑者闕之畧者詳之缺者補之而凡前所未載
及已經載而未全者一一咸增入焉付之剞劂而用
以活板蓋以價廉而工減也若夫先世源流具在故
引無庸繁贅矣體統文詞作於顯宦名實亦無煩於
筆削矣茲特因其時事益以舊章竊效繼續之心以
免遺亡之患則舉數年來有志未逮茲乃得藉手以
告成當亦先祖在天之靈所默鑒佑也是修也經始

於上冬屆今閏月而告竣因叙其畧登諸簡末以俟
後之修輯者

而皆

光緒壬辰年閏六月仲夏吉日

首凡三欲願斯堂實莫如八十世裔孫功業謹跋於

孟氏七篇則斯堂也名既純以祖典義實取諸前古
凡我宗人登斯堂者顧名思義勉為明德之後其亦
可以無忝矣夫

中華民國二十年十月吉日


八十一世裔孫德民立

八十冊裔察內業勤

王冠平開六月廿真吉日

勞文勤

於上冬風令聞民而告勉因除其畧登請簡末以



維我施氏望繫吳興實以安吉爲根源之地今之樂
平祠址卽我遠祖明侯故第也美輪美奐奕載如新
而堂額闕焉無聞蓋猶有待於繼述伏念本祠附近
若寺若橋若亭當時明侯祖恩賜鄉民而以樂平名
者凡三欲顏斯堂宜莫如三樂矣况君子三樂著於
孟氏七篇則斯堂也名旣紀以祖典義實取諸前言
凡我宗人登斯堂者顧名思義勉爲明德之後其亦
可以無忝矣夫

中華民國二十年十月吉日

八十一世裔孫德民立記

八十一

中華民國二十一年十月吉日

何以無黍矣夫

此宗人登祺堂者廟谷思義飲氣即盡之對其衣
 孟丑十餘限祺堂出谷鴻歸以脈典義實如諸節言
 昔以三浴隨祺堂宜莫以三樂矣其存于三樂善外
 昔者春歸春亭當即於脈恩顯厥身而以樂平谷
 而堂際關無無開蓋餘有於此鮮豈不念本師則或
 平師世唱安歌脈即刻姑檢出美師美與突薄賦錄
 辭拜誠天聖樂與興實以安吉為財然之此令之樂



重修宗譜序

立天之道曰陰與陽立地之道曰柔與剛立人之道曰
仁與義夫修譜者不外乎仁義事也嘗聞孟子有言曰
親親仁也敬長義也蓋此舉卽親親敬長之道焉是以
譜系立則川流萬支當知同源人代散處當知同祖知
同源必不笑鹹淡清濁之異知同祖則不學秦越魯杞
之爲惟恐世遠年湮至戚途人無據可攷指鹿爲馬實
溷宗支况夫兵燹以後出亡在外者頗不乏人殉難髮
捻者指不勝屈遠近親疎幾有茫然莫辨尊卑次序竊
恐流傳混淆前輩諸公有鑒於此故益富福寶福標諸

公創纂修譜牒以前自七十二世起雲公由瓦甄塢遷居長興丁村橋復遷城西浮雲山北麓愛其山水秀麗草木蔥蘢遂築室而居於此第族中財力薄弱卽自始遷祖而纂修焉一轉盼間迄今已逾三十餘載然生卒嫁娶葬地雖有草譜厯厯可攷竊恐遷延日久未免無遺漏殘缺之弊今乘剗之便故福德福錦福鈔諸公嗣而修葺庶斯譜可垂於後世而續緒矣嗚呼今日者歎世風之日下任朱紫混之淆以僞亂真以呂易嬴大失立譜之本真良可慨也

民國戊辰年相月望日

城西宋儒玉拜撰

施氏家訓

忠君

先王之制民生于三親生之師教之而君治之也人生斯世鑿井耕田無一不蒙君上之長養敦詩說禮無一不受君上之教化非是則雖生而無以自立於兩間此君臣之義所爲重于親與師也苟居官不忠爲下倍上則名教之罪于斯爲大我施氏服官守職先代厯有人矣見今讀書入學由此取科第膺爵秩者當不乏人須知隆其恩必重其報任其事勿敗其功程子云一命之士存心于愛物于人必有所濟臣

子之忠無論燮理陰陽霖雨天下卽躬涖郡縣而殫
心竭力敷政事則興利除弊實爲國家保义生民廣
教化則讀法敷文實爲國家作養人才此朝廷慶之
爲吉士而斯世仰之爲福星者也若乃爲士爲民未
有職守則惟奉公守法勿武斷鄉曲以紊國憲勿妄
談禍亂以背常刑國課蚤完鄉約時講是卽率土王
臣下不犯上之理也此君臣之義乃人道之大要馬
融忠經不可不讀也夫

孝親

人生鞠育撫畜之恩說不盡報不盡故蓼莪痛念深

恩道云昊天罔極而亡人之本性不無厚薄然而愛
親慕親之真孩提皆有惟長而於身家世務中營私
逐利以致真性日漓甚者忤逆於父母如世俗所謂
五不孝積漸使然也夫慈烏反哺羔羊跪乳鳥獸猶
知報本曾知覺如人顧于天高地厚之恩漠不警省
耶大本既虧人道盡喪此聖賢諄匕以孝弟爲第一
義而五刑之屬罪莫大于不孝焉凡我族人誰非人
子古聖人大孝達孝理非易盡當時孔子所云生事
以禮服勞奉養竭其力也死葬以禮棺槨衣衾致其
美也祭之以禮時享掃墓盡其誠也可以爲子乃可

以爲人更堪念者家計單寒二老龍鍾疾病支離侍
養艱楚人之子難事在此父母之賴有子亦正在此
于此而能盡職娛親使皆得所其人必上召天和下
獲福報古人卧冰而鯉躍廬墓而兔馴者事豈誣也
哉凡此孝行當共敦勉若其病狂喪心悖逆顯著我
宗人當明告祖宗共治其罪甚者眾首公庭置之
法必不使不孝孽種累我族姓也

孔懷

古人云民我同胞蓋人同受生于天地則天地一大
父母四海皆吾兄弟也况生實同胞有分形無分氣

者乎家有兄弟籩豆飲飫樂與同樂死喪急難憂與
同憂卽變啟闔牆而外侮仍禦此常棣誌兄弟之戚
雖良朋不得比也無如世故日厯和氣日傷人各私
其室家遂漓其手足彼外人朋友酒食相逐而兄弟
不相往來餽贈好施而兄弟算及毫末此真良心喪
沒者矣不知骨肉乖離不祥莫大任爾巨室富豪而
內變蕭牆卽爲衰敗之漸縱使寒門白屋而一家和
順必有昌大之休此固厯厯驗之無一或爽者也凡
我族人爲兄者當思鞠子之哀而克友于弟爲弟者
當念天顯之戚而克恭厥兄卽有微嫌小隙試思喫

虧于同氣豈似喫虧于外人忍自賊其手足耶觀古
人如薛包之分財趙孝之爭死猶是人耳其於兄弟
何如也格言云但念身從何來父母從何往新枝既
起舊本爲枯則孝思自然激切但念茫七宇宙聚首
幾時邈邈人寰同胞幾個則友愛自然真摯

追遠


子孫之有祖宗水之源木之根也祖父母者我父母
之父母也推而上之祖父母之父母要皆吾父母也
支流萬分根源一脉天下斷無有薄其根原而支流
得昌盛者我施氏今日子姓殷繁悉祖宗之瓜瓞身

家完足悉祖宗之種德紳衿不斷悉祖宗之書香先
澤垂貽後人何可忘諸第自出之始祖其在他處者
杳矣邈矣已載全譜若分遷祖以下及諸近祖世代
相延故塚具在遺蹟畧存春秋霜露祭掃勿徒具文
節忌屆臨享祀不稍怠玩以至祠象流傳敬謹修葺
家規訓戒罔或遺忘總之祖功宗德勿替報本追遠
之誠庶幾孝子順孫可卜旣熾且昌之福若有不肖
子孫不孝於祖宗是卽不孝於父母而盜賣墳山私
伐墓木以及恃強項占祭產如已業利祖息爲私資
以致輪派不均祭掃生釁者是逆倫之尤我族人公

會必懲而黜之

睦族

蘇子曰吾今相視爲途人者其初兄弟也兄弟其初一人之身也是雖服盡親窮畢竟同原共本奈何族情之衰視宗族如秦越至有恃強梁以欺愚弱逞富勢以凌孤寒甚則援引外姓轢害宗人此則祖宗之逆裔通族之首惡也我施氏向敦和氣當益篤同姓一本之情昏姻壽慶吉相賀也疾病死喪凶相弔也古人睦婣任恤卽鄰里間必以恩禮往來况同族乎至於族之不睦莫大于爭訟是非終有定理理明則



心平心平則氣和於他人尙可排解何至親族乃有
結訟不已者其致訟之端大要有二爭產也爭繼也
分房授地自有定分應繼愛繼更有明條其頑不達
理力能健訟者率以不公不均傾軋訐訟或累年不
解賄賂不貲往往案牘未結而所爭產業費去殆盡
且或倍之矣嗟夫以祖父艱難創造之業摧殘同氣
貢獻他人卒之兩無所得而叔姪弟兄幸災樂敗疾
視如仇乃如之人絕無人理嗣後若有上項不公平
事房長族長及族人徑詣祠堂公剖曲直輕則諭而
遣之重則罰以示懲則爭端亦可息何至涉訟破家

也若其悖理健訟強不服眾者當合族呈官究治使
敗類不得自逞此亦息爭弭訟之一法也

辨分

從來辨名定分國之所以治天下之所以平皆由乎
此而家規亦然名分不嚴則禮數不肅無論五服之
近與九族之疎嫌疑漸起爭競遂開甚非所以合敬
而同愛也顧一族名分長幼卑尊本屬天敘天秩惟
是積漸狎暱不能體肅辭嚴或伯叔當前敢稱名道
字先生在列居然抗坐並行此子弟恣睢之端必啟
釁隙之漸至於弟不先兄庶不奪嫡分固然矣最宜

別者應繼承祧務必昭穆相當或以弟繼兄或以孫
繼祖似續不明世次已紊所謂名不正言不順無一
而可此大分所關嗣後倘有徇私妄繼致相瀆亂者
通族明指大義亟爲改正可也若子弟生長必命以
名名雖定於一時實將垂于永久或成名而達於朝
或祭告而薦於廟苟列子孫之班犯祖父之諱則稱
呼之瀆亦倫理之乖也以後命名必查閱譜系擇先
人所未有者名之不得犯前名諱庶尊長卑幼不致
彼此同稱亦辨名定分之一端也

卹貧

昔范文正公置義田以養濟羣族之人日有食歲有
衣嫁娶喪葬皆有給古聖賢先天下之憂而憂豈不
以族人之憂而憂哉此其深仁高誼萬世可師也卽
今俗少長厚間有好行施濟救災卹困者鄉里艷稱
爲盛德而及身壽祉子孫科第食報亦往往無窮焉
此可知積善者餘慶而於同宗尤爲至切也我施氏
各派戶不下數百家非兄弟卽叔姪也其有游手好
閑廢業破家者固不足卹若其孝親順長守分作家
而或衣食素艱供養無出且有立志向上而力艱於
從學無以應試求名此在吾族中或捐已橐之羨餘

或出公家之積貯總當竭力設法分多潤寡至節孝等事尤爲吾族增光其有早寡守貞而家貧子幼無以自立者尤當觸目動心協力賙濟以成人美此固惇宗亦所以種德也若其結納交游而同姓昧艱苦之狀施捨僧道而宗人吝升斗之須此亦祖宗之罪人也夫

懲惡

人生一世上者流芳下者遺臭人苟惇倫守禮力學成名遠之可爲鄉國重近之堪爲宗族光也若其不孝不友如前訓所云忤親惡孽犯上害宗吾合族固

得明治其罪矣至有狎比滯朋賭博宿娼行入下賤
有玷宗祏甚有帷薄不修鳥獸其行者簞簞不飭盜
竊相近者凡如此類壞破家聲汙世亂俗祖宗恥以
爲後裔子孫羞以爲祖考凡我族人必明告宗祠屏
黜族外庶可以懲奸惡肅門楣也至四民分業農工
商賈皆可謀生苟貧不立志甘入汙賤如爲優隸等
事者皆在黜族之例若夫忝列宮牆而出入衙門充
認官役而當權用事俗人視之稱爲才能不知此實
不肖之尤敗亡之券也族中前輩自戒戒人慎毋墮
大惡道焉

幼儀


孝弟勤儉之當務悖逆淫蕩之當懲前訓已詳哉其言之矣顧習上習下皆自幼年始此古人所云父兄之教不先則子弟之率不謹也馬伏波誡子弟曰好議論短長妄是非正法寧死不願有此行此以輕薄招禍爲戒也武侯訓子曰惰慢不能研精險躁不能理性時馳歲去悲歎窮廬此以學業無成爲戒也桂學士詩曰戒汝休貪酒與花纔貪花酒便亡家酒殘花謝黃金盡花不留人酒不賒此以淫酗破家爲戒也范魯公曉從子曰肥馬衣輕裘揚揚過閭里雖得

市童憐還爲識者鄙此以奢侈敗度爲戒也唐柳公
玘書云名門右族莫不由祖先忠孝勤儉以成立之
莫不由子孫頑率奢傲以覆墜之成立之難若升天
覆墜之易若燎毛數言尤爲該括尤爲儆切前人家
訓於斯備矣凡我族人誰無子弟當知成立之宜早
教誨之宜先入孝出悌成人之道宜耳提面命以勸
勉之縱酒貪淫不肖之爲宜銘心刻骨以痛懲之又
慎選明師讀書肄業使日務爲上達勿致入於下流
是則昌大門戶之要也

丙則

從來孝友勤儉家風之美半由內助賢淑有以共成
之也若其骨肉情疎內外儀舛則或因媳婦不孝致
失禮于舅姑妯娌不和致乖離其手足一家無禮少
恩之習恒由婦人之無知而起此顏氏家訓戒婢妾
之爲雀鼠妻子之爲風雨壁陷楹淪室家難復完也
凡我宗人宜自主張立丈夫體勿以牝鷄司晨致家
之索若有悍婦慢視舅姑離間兄弟及生心淫妬殺
妾絕嗣顯犯七出當請族眾鳴官斥退若有隱縱不
舉罪當並坐至肅清閨範莫先內外之防婦人非吉
凶大禮雖親族不許擅往他如寺院燒香玩燈觀劇

牽羣引伴巧扮艷裝所謂冶容誨淫甚非別嫌明微
之正我宗人宜嚴加禁戢以肅家聲



此等宗人宜自王冠立夫夫器機以情鐵直氣燈宋
之似豈員妻子之似風雨差回歸命室宋機對宋出
光者士良故賊豎不取逆漢雖其子豈一宋無難也
之出甚其美而書其內公贈於朋友因戲說不孝燈
於來考之確劍宋風之美半由內視買賦亦以共叙

施氏家乘

附錄

吾施藝文名人題贈自唐宋以來迄我

皇朝選登其尤以備考信徵文徵獻非此曷云譜附錄
今古藝文

題清明承祭簿

七十五世

駿聲

人本乎祖祭以報本而本大者末茂一人而生子凡幾
人一子而生子又幾人其嗣迭衍其勢曰渙服窮親盡
而後他徙會疎有覲面不相識者矣於是每歲清明合
一本予姓而共祀其所自分之祖焉雖歲維一舉而于

此序世系辨年數以燕以衍諸父昆弟不遠而具邇焉
夫棣之韡則慕弓之反則怨今日之攬幼子童孫而共
祀合食者皆昔日一體之所分也未之尙茂其無忘本

人本時

乾隆六年歲在辛酉仲春上澣敬書

小十五世 魏贊

今古禮文

吾燕禮文台人既觀白晝宋以來盛衰

州澣

武丑來乘

金鐘山賦

並序

嚴鵬

隋氏之末施將軍世瑛居安吉善騎射唐興以武功刺
桃州賜金鐘因築室州西山山以金鐘名榮君賜也尋
立廟于上爰溯其命名之始而追賦之其辭曰繫西郊
之綿邈挺卓立之奇峯羌聯輝于玉磬乃渙號于金鐘
維榮勲而拜賜媼魏絳之和戎粵自隋煬失德國步將
騫海隅騷動蒼赤巔連林蕪澤鴻旣哀鳴之無定城狐
社鼠紛嘯聚而爭先惟唐克肖天德允塞王猷用揚休
命乃眷施侯俾侯手夷大難力保全州當是時星騎馳
而羽書接豹韜展而蜺旌揚小醜褻骸而掬指遺類歛

迹而淪光泰階平而乾綱振雲霧掃而日月張烜赫有
截馭駢無疆婦女從容而語笑民物恬養而翱翔于是
表茲偉績錄厥豐功爰有歌鐘之錫以高醉德之風施
侯承厚眷撫微躬發遐想躡高蹤逍遙于槍櫓戈鋌之
外嘯傲于山林風雨之中結廬人境卜築州西遙峯近
庵曲澗幽蹊雲間鶴唳月夜猿啼蟬鳴晝樹蛙鼓秋哇
松風傳籟梅月橫溪山屏石徑谷枕巖棲身永辭乎鐵
冑夢不到乎金題泊侯云亡有廟在野堂宇清幽軒墀
瀟灑路夾貧簷庭餘梧櫨留彤史之芳徽剩窮碑之厓
厓徒見嶙峋靄杳砒云平倚日薄月吸雨噴晴斗星

之所亾挖雷露之所發榮光融融而柳綻氣瑟瑟兮梧
生轉黃鸝于稠木霏白雪于寒坪無復覩翬飛之輪奐
聞鯨韻之鏗訇吾嘗登臨高遠寄托幽遐唐世衣冠已
長埋於烟鄣隨宮花草竟難返乎日車春與秋其代謝
今視昔而長嗟惟一邱之磊砢積邃古之煙霞羗萬木
兮森列彌四望之豁豁思美人兮小山側悲岐出兮一
徑斜已焉哉秦心楚恨含嘆茹吁蜂衙蟻陣劃界分區
電光石火霆駭風徂白雲蒼狗變滅須臾孰若銘勳庸
于金鐘之麓亘百世而無騫崩之虞

今安吉人

梁

與施從事

吳均

故障縣東三十五里有青山絕壁干天孤峯入漢綠嶂
百重清川萬轉歸飛之鳥千翼競來企木之猿百臂相
接秋露爲霜春蘿被逕風雨如晦鷄鳴不已信足蕩累
頤物悟衷散賞

均梁時爲待詔隱居青山

唐

安吉天寧寺聞磬

施肩吾

玉磬敲時清夜分老龍吟斷碧天雲鄰房逢見廣州客

曾向羅浮山裡聞

寺在玉磬山羅浮一作廣州

宋

勅贊翰林學士施鏐紹興十一年

卿內德溫純外容莊重道學源流國家梁棟幼學壯


行外體適用

施師點知樞密院事制淳熙十四年

勅知樞密院事施師點卿博學多聞通達古今明識

治體各得其所茲特進爾宥密之司綜轄機權毋辜

朕意欽哉



題樂平寺

尙書

劉

燾

名藍占幽寂花木深禪房開軒俯芳流竹風終日涼
謂此已勝絕坐可雄諸方誰知槿籬外古木鬱蒼蒼
下有湍激澗珠玉鳴瑯璫何當開松門兩岸安石床
盡發溪山奇枕流挈其芳倘年我重來君子留徜徉

明

賀棲清先生七秩

漢陽守

沈

熊

姥溪施濟字悅民號棲清守里人

潔身高卧姥溪灣隔斷人間名利關抱道觀瀾無俗
累詠歌濯足有餘閒水光雲影長圍繞馬足車塵絕

往還養得靈臺淨渣滓瀛洲蓬海可躋攀

憶棲清翁

進士施

侃

吾宗風雅實爲師笑倚白雲歌紫芝幾畝搗車春種
後一雙鷗鳥夢回時誤疑羊仲來荒徑更道岑家人
漢陂嘆息人琴俱已邈隔年笙鶴動餘悲

郡志施侃字邦直歸安人少穎悟不羣長而
肆力于學經史之餘凡陰陽律呂兵卜奇秘
無不鉤勘有得輒書于冊爲古文雄渾深懋
詩先氣格意興清遠與山人孫太初游其詩
才亦相當嘉靖丙戌舉進士卒於京邸有菁

山集藏于家見文苑本傳譜內未詳特附識

備考

松石圖壽愛月長兄

憲副施

儒

棲清長子施儀字肅之號愛月憲副其從弟也

長松十里聞秋濤含煙滄露霜不凋明堂未許擇梁
棟長養柯葉摩青霄根深况復倚磐石融結千年成
琥珀孕秀鍾奇發有時瑞草靈芝鑽地出南山之松
真罕有影落溪藤見高手長公華誕屆中秋璧月團
圓照春酒但願年年此日披此圖兒孫戲綵為歡娛

松貞月恒石不磨不用海外求蓬壺

按鷓鴣天製小詞一闕壽愛月長兄

愛月風前吹茶刻此施平儒

紫簫吹斷楚天雲一片青霞輾玉輪三月秋光分此
夕百年家慶醉長春沙積雪地鋪銀坐深香雲霧欲
沾巾長公完福今宵月一度看來一度新不羨壽年
去歲茲辰拜公壽今年又喜值中秋金風似麝飄丹
桂璧月如盤照白頭九十慈親厭滫瀡一雙兒子紹
箕裘莫勞身外閒思慮只合尊前共勸酬

小重山壽伯兄愛月翁

伯邦施佑

秋色平分風露寒
冰輪飛碧漢
向人圓
扶疎桂影卧
闌干
稱壽羊蓬島
落人閒
骨肉喜團圓
藥畫堂
喧笑語
舞斑斕
年年比夕罄
交歡
顏不老
何用九還丹

哭伯兄愛月翁

施佑

白頭兄弟人爭羨
今日寧知伯氏亡
衰晚不堪傷手足
家常誰更共
壺觴
鵲鴿風急驚
分侶
鴻雁雲深忽
斷行
愛月人歸天
慘淡
睇觀夜月亦無光

愛月胞弟佐知茶陵州佑守平度皆以鄉進

士起家終郡守

題贈南村

進士滕謚

南村施佑以平度守致政與劉司空蔣宮保
顧司寇張納言諸公結社峴山逸老堂公爲

雅社第三人

竹屋煙光浚林扃曙色新池塘千古意畎畝百年心
吾道原非在幽蘭未可紅君今三作郡棠蔭愈森森

又

丁致祥

少府城南屋喧囂耳不聞房櫳涵野色齋閣宿溪雲
世業饒桑稼農談亦典墳卜歸猶未得悵望幾斜曛
村舍鄰苕雪風光畫不如繞垣千挺竹充棟五車書
花氣蒸衣暖溪雲落檻虛卜鄰吾有意與子語田漁

又

翰林文徵明

南村風物近何如水映清山竹遶廬一塢桑麻聊卒
歲數家鷄犬自成墟地偏見說無留轍耕暇還堪讀
舊書為擬主人多許國莫緣幽興賦歸與

南村施邦伯八秩雅社稱壽詩

尚書 箸溪顧應祥

吳下分明有地仙早辭五馬卧林泉流光過眼八十

度秀句驚人三百篇謾擬後車徵呂望已看經學繼

韋賢峴峯深處耆英社歲歲窪樽獻壽筵

又

尚書 南坦劉空麟

記得禪關笑遠天
夫夫生色本金仙
文華燁燁推三益
襟度飄七上七賢
龜著禮樂嘗摩軌
鷄犬圖書不繫船
壽域提攜期並入
不知丹訣幾時傳

又

半谿李

丙寅

大姥溪環小洞天
功名回首學神仙
風花雪月年年
主詩酒琴棋事事
賢劍履可拘三島
客筆牀偏稱五
湖船長生已有真
詮訣繼武還看宦
譜傳

又

參政
棟塘陳良謨

逸老堂邊朋壽臺
風光人似擬蓬萊
仙曹杖履嘗新
集壽域罇罍接社
開陶徑風清歸五
柳荀堂丰采燭

高年繁祉世應難晚節如公羨獨完喬木樓臺存古
樸清香庭砌藹芳蘭沉冥世故惟杯酒料理生涯只
釣竿更愛江鄉真味足尊鱸香美人盤滄

投贈西亭

京兆祝允明

棲清從子施儒字聘之號西亭由進士爲名
御史後起僉憲兵備嶺東進副使工詩及書
法所著有中庸臆說

暫息鯤鵬翼來同魚鳥游街衢方病暑池館已疑秋
瑞浥三微露高瞻八詠樓辟疆園故好鴻跡幸深留

又

太僕都穆

吳門山水窟是處足清游深醉寧辭晚微涼欲近秋
千年憐謝屐百尺仰陳樓斜日懸高樹因君更少留

又

唐

寅

伯虎

宰相曾公亮文章秦少游量宏三峽水氣壓九天秋
曲江花下馬長笛月中樓綦履經由處歌芻願暫留
送施侍御聘之巡按南畿分韻七首錄一

白簡

狀元

崑山顧鼎臣

稜稜施在史侃侃侍宸極白簡對素心面有風霜色
文武姦蠹滋亦足使聳側茲行响使命畫綉歷郡國
豈惟擊豪強所賴去貪墨中存正道心外竭股肱力

持此奉至尊永矢懋明德

人日西亭見訪

劉儲秀

老眼相看倍覺親東風况復歲華新寄書憶折梅花

月展席留開柏葉春十載烏臺傳盛事一封丹詔起

幽人獨慙問俗曾無補竊食薇垣又幾旬

夫日月邁於隙駟居處限於風牛是以詩有

契濶之傷騷致莫愁之嘆叙既往之密歡冀

方來之新晤作十懷錄一

施憲副聘之

袁·表

施公挺蒼雪英譽籍九州既欽文翰工再識吏事優

混俗間清濁奉公來謗讐落落千丈松邈焉真寡傳

舟經茗溪奉懷高致西亭先生

式來之滌部於十對殺一

同年費 宋

百里經過有所思問君城市少來時料應詩酒陶情

處明月清風是故知

天目山來勢若奔若南若北水邊村聖皇有詔求遺

逸未許高人穩閑門

簡施侍御聘之

中書何景明

欲扳御史新驄馬擬脫仙郎舊錦袍五色文章真鳳

鳥百年功利一鴻毛當爐不愛燕姬少倚瑟翻驚越

調高二十年來空落魄風流今已愧人豪

簡施聘之

五

新建伯

王守仁

陽明病夫守仁頓首別久雖音問濶疎然每思海內
任道者之難得千百之中而未能一二見則如吾聘
之者能無時時往來於懷忽辱書問惠然有在顧之
興喜幸如何可言稽山之下鑑水之濱敬當掃榻以
俟也承論情欲之際未能脫然無累向往之志甚爲
所牽制人苦不自知亦或知之而甘於自欺自棄耳
是以懵然終其身吾兄吐露心事明白洞達若此真
可謂任道之器千百之中而未能一二見者也苟一

振其向往之志可一日千里矣孰得而禦之幸甚幸甚
甚俞仁夫偶便畧布謝私來春果能乘興一枉鄙懷
當得面盡也病筆不一更賦之而甘飲

又論

尚書 胡世寧

辱知胡世寧頓首別从傾仰而况懸車非我王上急
賢圖治意也力未能為白心何可言諒行藏安於所
遇而教子弄孫有餘樂矣區區正恨未能得此也子
木回敬此奉問外妄言始末藁一册乃得罪公論之
招案也敢附求正便中何以教我幸不外

又論

學士 桂 萼

寓都下年弟桂萼拜吾兄功存一方此士君子所恃以不朽者也但念吾道日孤恐無志者或不能不風靡耳行游茗溪放舟三茆以理自適環視天下紛紛者何有哉不肖瞻望絕塵不勝顏汗相見未擬千萬爲道保重不宣

簡施侍御西亭

宮保

石菴蔣字瑤川

鄉侍生蔣璫頓首吏還承華札之賜仰止間頓覺醒然且喜執事烏臺之拜未一期而正色之名滿天下積之者厚發之者充固其所也敬慕敬慕生久以辛苦之資乘此凋弊之郡剛爲土軍之刼獄又值一

火之甚烈老天降咎不識何獨酷于生耶差人之便

憂愧之餘草草欠莊伏惟台鑒

然且壽鄰溪宗兄七秩未一賦而

青州守

施峻

愛月子施簡字克廉號鄰溪簡之子守成號

梅池梅池長君即弁巖公可大守字璉川

茗水吾宗數德門卜居南北自成村累朝科第衣冠

盛百畝田園古樸存奕奕箕裘稱令子翩翩文藻見

賢孫高情只合長邀客坐對梅花倒酒尊

賦贈鄰溪翁

小堂僻寂谿為鄰谿水曲曲桃花新古槐高柳自成

聖沙鴨野鷗時近人邵園瓜熟足生計蔣徑草荒無
雜賓一壺濁酒日多暇閒坐漁磯垂釣綸

登天又

掛笠壑翁施

瑤

曲曲溪流隱隱扉地偏疑與世相違檻臨釣石盟鷗
近門帶滄洲俗轍稀斫膾鱸肥新酒熟棹船歌響採
菱歸知君悟得幽棲意却向清時只布衣

贈梅池翁

狀元

范應期

何遜懸情江上洲山翁高隱雪川頭梅花千樹雪初
白碧水一池春欲浮笛外天風仙調冷尊前霽月壑
香幽郎君况是青雲侶玉樹遙瞻五鳳樓

香山又

青州守施

峻

石林茅屋隔人寰池上梅花自好顏玉蕚先春露消
息鐵龍拖月下潺湲獨憐瘦影窻前立漫把新詩醉
後刪簾杖綸巾清入夢百年風景一孤山

刻吳興三施制義小叙

武部郎龔道立

弁巖君施可大與子壽明浚明有文藁合刻

震澤具區靡不有靈余家震澤北施君家震澤南余

登夫椒闔閭徙倚南望見弁山天目隱隱翠微間常

雲物護其上疑下有僊人宅云廼今知屬之吳興施

也施之先有西亭公者為時名御史王文成所稱文

武異材勲庸爛然與余曾大父侍御公爲同年友稱
世講焉而西亭公所師事伯父爲棲清公有隱德與
吳門名士祝京兆都儀部相友善稱其雅稱厥號人
可知已而公之玄孫弁巖君又余小子所兄事而寅
又者弁巖君少以績學魁南都其二子伯仲復相繼
魁南宮顧伯仲魁名若契取而符合又古今一希覲
也今觀伯子文蒼雅鮮麗若玉露金莖絕去煙火仲
子文爾雅澄瑩若僊姬神女不着鉛華微獨詞章覩
伯子容若冬嶺孤松顯煙霞色相仲子容若秋水蒹
葭涵冰月形情奚啻皮骨又嘗領玄譚於伯子矣靡

非出世語亦靡非經世語其旌陽勾漏之傳耶而仲
子儒風藉甚令人一覲德一心醉也其茂叔伯子之
徒耶原原本本則弁巖君已君古貌古心大非時輩
實心實政示我景行而伯子得其古仲子得其清率
乃祖父攸行所繇來遠已余嘗讀宋史稱蘇明允父
子有節義文章尤推轂明允今施氏之文似之又讀
漢書稱萬石君父子有醇謹德行尤歸本太傅今施
氏之德又似之嗟嗟有明允須轍軾有太傅須慶建
有三蘇文章須萬石德行吳興施氏備是已震澤而
南翠微雲物無乃是耶余卽叨世講乎先世其庶幾

焉以余小子望之茫乎灑乎口不能張若河伯之遇
海若也已萬歷丁酉夏日龔某頓首手書

施廣文隨鷗集序

大學士朱國禎

常山廣文施明德字君成所著有隨鷗心語

四卷詩集一卷平涵朱國禎玄嵩溫體仁諸

公評選

吾湖君成施君少負奇嗜六籍尤耽子史百家常攜
二三同志結社峴山每一操觚參玄人奧試輒冠諸
生固藝林白眉也壯年應貢入都門諸名公雅慕其
才勉令待時奮翼毋輒就君苦長塗跋涉遂就一毡

于金川比至仕宦靡不竊慕高風間奇借箸者盈庭
隨扣隨應悉中竅會堂直指鄭公按衢時官屬肅然
施君獨慷慨面陳常邑拯疲十二議一郡駭愕直指
公獨偉重之雅畧時發爲文章大都超曠豪逸音諧
四六則敲金戛玉芳流傳序則繪鳳雕龍軒朗若干
里駒清遠若雲中鶴而雷逐星馳更逍遙物外其人
世奇觀乎昔人以立德立功立言稱三不朽茲集也
安知立言之秋非德音露其一班功勲炳然毫端哉
不佞知最深結社時已奇之素縱觀金川集倍欣賞
避舍故爲叙梗概云

又南來宗只原名起為少長
狀元韓敬

操觚之士往往雄譚左國太史公而下無復步武者
嗣後昌黎公以奇風勁骨山斗後學斯稱奇矣迺歐
陽公蘊玉含輝逸思超然物外眉山氏飛雲走霧如
萬馬奔騰更不可架獲詎非赤幟千古哉施君咀嚼
諸名家而盡收其英更以變幻出之故振韓之奇揚
歐之逸彷彿眉山氣味而又接武太史公古風至于
四六製天孫之錦品題踵陶謝之芳豈區區擅一長
者與總由性靈中自飛自躍變幻莫可闕測爾士林
共慕而珍之予曰此藝苑奇觀安可爲一人私遂命

梓人公之海內云

遊西湖賦懷

廣文施明德

浪跡煙波自轉蓬探奇此日獨聽鴻客星夜泛銀河

遠俠氣秋生寶劍雄賦裡青山懸彩筆夢迴明月滿

丹楓興來蕩槳西湖上悵望停雲霄水東

萬錢塘江對雪

施明德

滿天飛雪暗西興江凍錢塘岸欲冰客似袁生僵白

卧舟疑王子興初乘蕭蕭古樹低秦望漠漠殘雲障

禹陵迢遞故園何處望不眠呼酒對漁燈

訪南飛宗兄

松溪施國詮

安古科履 兄諱駿聲原名起鵬少長會城還里就試冠
一邑因事過訪書齋壁

鷄鳴久渴慕雄才門外車多問字來口若懸河驚四
座文高北斗動三台養生暫向天池息搏翅遙瞻滄
溟回幸接芝眉承教席君家桃李滿庭栽

梓人公之海內云

...

...

...

...


...

...

...

...

...



安吉垞壘支舉人施文銓妻吳氏歸安進士吳增嘉女

南歸後雜詩

我本茗上人未覩茗西景今來十月中風况始一領
修竹何檀藥蕭蕭風雨冷竟日密箐中咫尺不見影
日落猩猩啼山村寂以靜感此發長喟中懷萬緒并
九月發直沽風濤漫浩浩哀此未亡人自恨死不早
滄海黑浪深重洋真浩森雷雨空際來青煙出雲表
火輪激水輪覆沒還難保幸得蒼天憐獲福信非小
三千里行役心事終未了
年來心益灰萬事皆冰冷云何兒女情如夢久不醒

兒賢亦何歡兒愚亦何憫乃爾縈心情自顧良可哂

要之為父母癡心終難泯教養盡吾道賢愚聽爾等

忽覺霜髯寒西風吹樹影幸昏蒼天對蒼顏言非小

爾亦黑髮將重年負此森雷雨空烈來青嶽出雲走

此月燈面故風驚覺語故哀此未口人自知派不早

日暮雲散知山林迷以辨烟此發是即中對萬餘并

對竹何對藥蕭蕭風雨余竟日密管中吹只不見溪

疑本苦土人未階苔西景今來十日中風只欲一餘

南臨於棘結

安吉以與支舉人蘇文銓妻吳丑韓安誠士吳制嘉文

光緒丙子余下第留京師客舍獨處寥寂寡歡偶憶
江聰詩聊以著書情暫遣他鄉日爰取平日讀書管
窺及遺聞軼事日記數條以消永晝久之成帙隨筆
率書漫無次第蕪累叢雜豈足以當著書特一時興
之所寄未忍拉雜摧燒聊取蔡中郎之言題曰談助
夫以論衡之精博中郎僅以談助目之今乃名此容
有未可雖然談不同則助亦不同也藏之篋笥以誌
陳迹焉六月中澣菴上施浴升子明自記於宣南坊
之雙槐軒

克賢亦何歎兒愚亦何憫乃爾樂心悟自

文變時律母疴心終難泯教養盡吾道

刺衣蓋六月中猶存土滅俗長午即自嗟

育未可繼然猶不同恨也衣不同世蘇文

夫以論衡之辭射中酒蠶以猶想日之今


之退密未忍對蘇蘇熱聊取蔡中浪之言

率書數無大餘燕累業蘇豈足以當善書

竊以戲聞神事日晴樓斜以箭衣畫人

五顏結聊以善書射漕畫出暇日笑如平

光蘇丙子余不策留京帽容舍斷氣寒寐



同年施君旭臣籍隸安吉尊人壽民先生移家幕於
燕旭臣生長保陽先生本名孝廉富著作旭臣幼承
庭訓學問淹通不沾沾務舉業年未冠失怙恃際東
南寇平遂歸里依其叔母旋游庠同治癸酉登鄉薦
甲戌下第歸娶於郡北姚氏遂與姚居家本無恆產
旭臣性耽沈寂厭猥俗不諳治生體羸多疾并不能
走四方藉筆耕謀衣食平居手一卷恆數月不出戶
而家愈貧爲詩文取徑特高先達每歎不及半生藉
此以遣窮愁然每遇春闈必竭力赴試卒不售庚寅
春又力疾北行三月初抵都甫卸裝而病殆沒於會

館資斧所餘不足備棺歛時南來試侶皆入闈賴同鄉諸公經營後事病革時無他語惟云有詩文若干首曩歲客吳曾質之楊藐翁先生爲所許可故攜入行篋擬重錄再請刪定今無及矣臨終猶屢顧其篋嗚呼旭臣心事惟此而已旣竣試清與同年朱蓮夫檢其遺裝得壽民先生遺箸數篇旭臣所箸詩文及夔齋談助共三種稿半零亂未編輯旭臣旣無子近宗并無讀書者稿久必散佚思梓之以廣其傳但喪費所不足者尙待籌償且當措資歸其櫬慮未暇謀此因請於鄭聽篁章黼卿二先生徧告同鄉暨應試

諸君各承飲助時童米蒸同年以引 見在都將歸

吳下

清

與蓮夫俱報罷乃共謀攜柩南旋抵湖交旭

臣姊丈徐君肖泉送歸安吉事畢尙餘貲百餘緡可
爲劖劂費遂將其稿與蓮夫分任編錄肖泉又得壽
民先生所著靜學廬逸筆彙編爲五種介安吉吳君
倉碩呈藐翁先生刪定付梓題曰安吉施氏遺箸今
歲仲春開雕仲秋歲事特書其顛末以告將來爲旭

臣後者

光緒十七年辛卯秋八月

烏程戴翊清識

前資於所錄不足備補欽時南來誠信

次說十少半幸鳴林及民無他編野遺

百發皆否吳有資之楊我勤先生為所

嶺中春開楓林林苑專持書其殿末以告

舍爾呈蘇係夫主懼安於執既曰安吉


吳夫主世普精學靈變筆舞蘇正蘇介

蘇時隨變遂深其蘇與蘇夫食升蘇

百救文斜昏宵泉後禮安吉事畢尚斜

吳不與數夫身辭羅氏共精蘇林南

蘇其谷承於應劫童米蒸同平以



子明先生客死之明年戴君笠青朱君蓮夫既歸其
櫬於三千里外又檢其詩若文若筆記並先生尊人
遺箸同授梓以傳不朽義舉也亦盛事也

俊嘗學詩

於先生稍稍解作五七字皆先生之教也先生貧而
多病依婦翁居性孳殘書破硯縱橫堆几上塵盈寸

勿顧也每客吳門榻

俊


寓齋篝鐙講菘漏三四下猶

不勸至得意處撫掌大笑窗外棲鳥拍拍驚起若怪
人未睡者此目前事而今已矣釋氏言人生如泡影
夢幻悲哉夫人誰無死死而有戴朱兩君不忘故舊
始終圖所以張之則雖謂先生不死可也惜先生無

兄弟無子諸稟散佚不全所梓不過六七然安知無
愛護而收拾者是所望於當代君子耳

光緒辛卯吳俊謹跋

而今日矣



不憚至詳意盡謝掌大矣

於歸世時容吳門尉

冬冰外敲餘吳卦

效夫主蘇蘇

數警同對林以

謝效三千里

予即夫主容

家乘考證

施文銓

施氏之見於古者莫先於夏之有施氏爲桀所伐非其罪也周封康叔於衛分以殷民七族施氏居第二此在殷者也而後世氏族諸書皆謂施氏本姬姓出魯惠公子施父與其後施伯施孝叔並見春秋左氏傳禮記有少施氏有少施氏卽當有長施氏昔人謂孟子所云養勇之孟施舍卽長施氏也然此外無所聞惟少施氏在魯有女妻陬大夫叔梁氏其後之常事孔子在弟子七十七人之列又列子所載施氏二子其一好文其一好武當在春秋戰國之間施氏之

見於秦漢前者如此韓文公施先生墓誌銘曰太尉之孫始爲吳人按太尉名延字君子漢順帝時太尉也謝承後漢書有傳范書則散見於本紀及來厯陳忠傳中太尉之孫謂孫吳時永安侯然也然字義封陳壽吳志有傳作朱然然本姓施氏爲朱治姊子治養以爲嗣至其子績仍表還施氏據韓文當以永安侯爲吳興始祖第考謝承書太尉已奉其母僑寓吳會一統志浙江通志及府州志均以太尉列人人物吾邑且奉祀鄉賢祠中則太尉雖本籍沛之蘄縣而其後已身爲吳人卽以太尉爲吳興始祖固無不可

不得以其時尚無吳興之名致疑也願就吾宗之有
文學者及當世通譜學之士共商之

施氏望雖繫吳興實以安吉爲根源之地考吳志義
封公爲故鄣人安吉實故鄣所分至晉威遠將軍祥
宋尙書左丞明侯彬皆安吉人明侯廟食鄣南歷今
千數百年苗裔之居近安吉者皆於清明前後各自
上冢及唐初桃州刺史玉華公起義保障鄉里受高
祖金鐘之賜境內以之名山顏魯公石柱記備載之
此六朝至唐施氏之世居安吉甚明雖其間玉華公
孫旭以宜春尉流寓丹陽其孫敬本遂爲丹陽人敬

本子友俊復遷建陽至友俊之十三世孫惟仕始遷
安吉紫溪祖墓蓋去其鄉者凡十餘世然終以安吉
爲故土故久而不忘復返焉今遠近子孫羣奉安吉
爲宗邑以義封公以下冢墓祠宇皆在於是猶江之
有岷山河之有積石溯源者不能捨而他求也今舊
譜序有稱爲建陽施氏者殆據近而不知追遠矣
乾隆癸亥雙林譜有世系一篇爲安吉舊譜所無云
出梁大同初施智果及唐溫彥博集賢公敬本所叙
施氏血脈圖然其言多鄙誕未可盡信今考新唐書
藝文志譜牒類有施氏譜一卷不著撰人姓氏未知

卽血脈圖否也世遠難稽曷勝感歎現在吾家舊譜
序文最古爲南宋宗人師黥所修卷首有宋理宗御
筆及朱文公題字

譜威遠將軍祥爲長能之後安吉志謂爲驃騎將軍
吉州牧寬之子

明侯捨宅爲樂平寺在宋元嘉元年而古桃志載見
夢事乃云吾自晉血食鄣南誤也又按勞府志有施
明侯廟碑記在本廟唐人所刻西吳里語施彬廟唐
大中間重脩其二十四世孫公贊爲記據此則碑乃
裔孫所立譜又云貞觀三年新其廟太宗賜文勒石

果爾則廟中當有兩唐碑今片石無存莫可考究矣
可歎也

明侯子平畿葬香蘭山縣北三十五里明侯籍安吉
其子未聞遷徙則縣必安吉今考志乘未見香蘭山
不知其墓何在

仕亮公因五胡之亂徙居寶婺按五胡之亂典午遂
東其時吳興實爲樂土中原士夫隨晉南渡率多居
此以故茗雪之間多六朝舊族不應本居是邦者反
他適也

又按公娶陳高祖之姑必是齊梁間人其時去五胡

之亂已有歷年尤爲不合

陳中書舍人施文慶乃烏程人玉華公乃安吉人父子何以異籍石柱記云玉華公世爲農家果出自文慶不當云爾

集賢脩撰敬本太常博士士句據譜乃從兄弟乃唐書儒學傳及昌黎施先生墓誌銘竟未及之何也

施廷皎實故鄣安福鄉人傳四世元贊而其後卽不可考孝友之家不當無嗣而遠近支派繁衍竟無廷皎之裔何耶

元贊於宋大中時修祖廟碑記其事西吳里語元贊

旌曰宗譜
作公贊修明侯廟在唐大中間又按元贊去明侯纔
十六世里語云二十四世大相懸絕蓋里語多得自
傳聞訛謬不少自當以譜文爲正惜碑文不傳無可
考耳

劉志不載施環施瓊事以爲太平鄉人也鄙意凡未
分孝豐前人物屬安吉者安吉志仍當載而注其下
曰某鄉今屬孝豐

湖錄費乙字伯初安吉人仕宋至淮西轉運使嘗因
公田害民忤賈似道元兵破臨安挂冠歸隱天目山
可入隱逸

費君故吏施鄴事當入雜記

吾祖太尉公據謝承後漢書爲沛郡蘄縣人今縣府省志俱列入安吉人物殊失考黃初詔亦未知何出太尉孫然在三國時已爲吳將不應其父尙於黃初中蒙顯舉爲太守當更詳稽志乘

西湖里語施彬廟唐大中間重修其二十四世孫公贊爲記今按吾家總譜宋大中間修祖廟立碑爲元贊又譜元贊去明侯十六世里語云二十四世大相懸絕又大中祥符乃宋眞宗四字年號史但稱祥符不稱大中也吾不能無疑于譜

家玉華公拜桃州刺史兩浙名賢錄作洮州伍志又
作柳州劉志仍之而不加改正何也

施敬本見唐書儒林傳丹陽人其繫籍丹陽之故見
吾家總譜劉志人恩秩且列于梁世不知何本據家
譜及史乘未嘗別有一施敬本也疑誤

費孫姓吏賊謀事當人錄

又

施浴升

韓文公爲施士句墓誌稱其明毛鄭詩通春秋左氏傳善講說朝之賢士大夫執經考疑者繼於門唐語林曰劉禹錫與柳七韓八詣士句聽毛詩說維鷓在梁梁人所取魚之梁也言鷓自合求魚不合於人梁上取其魚譬之人無善事攘人之美毛注失之又說山無草木曰岫所以言陟彼岫兮言無可怙也又甘棠勿拜拜如人身之拜小低屈也唐書啖助傳大厯時助趙匡陸質以春秋施士句以詩仲子陵袁彝韋彤韋蒞以禮蔡廣成以易強蒙以論語皆自名其學

而土匄子陵最卓異土匄吳人兼善左氏春秋以二
經教授由四門助教爲博士秩滿當去諸生封疏留
之凡十九年卒於官弟子共葬之士匄撰春秋未甚
傳後文宗好經術宰相李石因言土匄春秋可讀帝
曰朕見之矣穿鑿之學徒爲異同學者如浚井得美
水而已何必勞苦旁求然後爲得耶土匄字未詳著
述亦皆散佚其事實僅見此數處故備錄之

庚午秋季施君澤夫以續修宗譜事見訪賓舉
施壽民先生及旭臣先生父子遺箸中有考證
家乘及縣志內涉施氏故實者若干條精審無

匹當刊於譜首因爲檢錄以貽之伏念兩先生
學問文章迥出流輩以名父子爲名孝廉乃明
德無後僅憑族子以奉祠而又遺書不守散落
人間良可慨矣然遺著流傳儒林欽挹此豈逝
同秋草者耶雖謂兩先生精神千秋猶在可也
惟賓生也晚不獲見壽民先生而旭臣先生則
賓於總角時曾親罄歎當日兩家望衡對宇猶
可想像得之四十年來人事滄桑已爲陳迹偶
一念及不勝今昔之感矣

同里後學王賓謹書

而士句于陵最卓與士句同里於學五寶

一念又不類令昔之越矣

之九可然射爵之四十平來人奉命桑已

寬然縣侯却會監醫核當日兩來望尚樵宇餘

日也卦書坐出郊不藝良書且武坐而賦引去主順


水而同將草香取擬階兩去主詩麻于煉辭并何出

述亦人間具口吐矣然既著飛軒謝林於世出豈遊

獻無於勤懇越千以奉師而又數書不守婚辭

學問文章雖出前輩以各父子為冷筆氣以則

四當氏於韻首因流劍殺以韻之為念兩去主



公族述畧引言

按家之有譜猶國之有史也史以紀成敗昭鑒戒而譜以別昭穆垂勸懲一而已矣顧史載時事得失必並書而譜錄本宗有隱惡揚善之義爲少殊焉余是以於祖宗之碩德懿行及諸父昆弟諸子之年齒已高有善可錄者咸隨其品概畧述數言以爲後勸其無所述者恐非實錄不敢誣也至於幼子童孫之未定者將來之善固自有後人述焉觀者幸諒諸慎弗因此而詆余之有私可也且也是非本有公論不能自勉而欲人之溢美難哉

明萬曆辛卯孟夏吉旦

五都第六十六世孫民謹識

廷右公諱孟琬述畧

童年秀發弱冠聲飛居甥館而增重內家舍舊土而克勤新業雖壽不稱德猷爲未獲罄於當年然謀自可貽燕翼果不負於身後

聖初公諱公哲述畧

髫鬣失怙卽有箕裘思紹之心句讀從師遂知甘旨慈幃之道勵儉勤而爭頭角事廢著而鬻貨財先業克弘後昆可裕

公遠公述畧

不以少孤而自棄不以業薄而自輕事母則承顏
事兄則稟命一家和氣比鄰懽心往役轉輸允得
終事之義子姪闈牆復全敦睦之風

樂天公諱福述畧

侗儻豪邁重義輕財助國賑民捐千鍾而不吝明
經教子厯三冬而愈嚴杯酒自娛實非高陽徒也
貨殖爲務夫豈鑽核傳哉雖不獲五花之封誥亦
已沾五品之散秩

直齋公諱淮述畧

生而聰慧長益開明馳聲藝苑爲世雄英數奇不
偶僅貢帝京相時淺隱詩酒陶情推其餘力留心
治生計然范蠡期與同聲第性剛介正直自行見
愠羣小幾爲所傾賴有天幸終全令名

文淵公諱漢述畧

仁厚存心坦夷平易讀禮採芹期爲國器入粟拜
官非其本意欲見所長聊從此始無奈數奇之任
卽墜立後承祧庶幾永嗣

有序公諱恩述畧

正直自持無愧冢嗣潛心業儒克堪待試天嗇俊

英壯年卽墜幸爾螽斯繩繩多類

南圃公諱忠述畧

德優於才有大雅之遺意誠勝乎僞無浮誇之陋

鳳翥風

龍溪公諱恕述畧

守成兼創業爭雄一方而有餘識勢復知時雜處

羣小而無累才豐壽嗇不盡所長

有成公諱志述畧

託興詩酒怡情戚友種德於陰不形厥口俟命安

貧終身甕牖有善未揚豚兒之咎

旌曰宗譜
西槐公諱教述畧

英年發軔嘗居前列試轍冠軍青紫可掇何意狂
瀾遽遭顛沒幸有嗣君錦標終奪

敬雲公諱應陽述畧

貧乏甘旨卽剝膚易養而不辭孝由衷曲雖白首

承歡而匪懈取節而論庶幾爲親負米者歎

鳳梧公諱應雷述畧

旣勤貨殖又業章編兩事未竟一身早逝惜哉

介庵公諱民

民無所述紀其自著笠澤遺老一傳

笠澤遺老者莫詳其姓字也以家於笠澤之澣因

號焉少嘗業儒爲博士弟子有用世心然於世儒之
帖括自誦藻績炫人所深鄙也且性鯁介不能委隨
黑白太別好面斥人過以故違時寡合竟罹中傷而
弗獲售其心乃翻然慕陶元亮之爲人每嘆曰不戚
戚於貧賤不汲汲於富貴漠然爲無懷氏葛天氏之
民斯言也足以老吾身矣故肩牆斗室弗知其爲隘
布袍藜羹弗知其爲菲惟雅好讀書書不擇今古亦
不求甚解復嗜酒喜客家貧不能如願亦隨遇安之
酒足也客至也相與觥籌交錯賡歌互答或彈無心
碁或撫不具琴或射覆詼諧靡所不至期於一醉苟

有酒無客則獨酌長吟身動天地有客無酒則劇談
古今共弄景物酒與客俱無則賦詩見意著文寫性
以此自娛而得失爲之兩忘此其所以老於笠澤之
長策也若乃枉已徇人賣知竊寵奔走於形勢之途
以徼倖於萬一老死而後止者匪特不使加乎身見
之如探湯矣外史氏曰人孰無老七於道德者孔孟
是已老於功名者蕭曹是已老於富貴者胡廣馮道
是已不富不貴無功無名望道而未之見進德而莫
之逮以貧賤終其身而逍遙於太平之世遨遊於天
地之間蒼顏皓首樸兮不失赤子之故熊者其茲遺

老之人乎

仲石公諱學曾述畧

童年早孤外侮迭至奮迅儒林幸舉鄉試旁觀細

人驚立赤幟兩葉積衰一朝旋熾奈因掄元反遭

淪滯以至暮年喪明弗遂

叔石公諱學思述畧

蚤孤能立治產積居庶幾宣曲任氏之流亞歎

季石公諱學孟述畧

幼不識父容長能復父業

玄宇公諱朝棟述畧

旌曰宗譜

文守專攻經史兼涉百家文望風流雅俗交誇奈年不

永而遽修文地下野父業則賦詩見

完樸公諱國相述畧

雖蒙舊業而能增新業不務蜚聲而克振家聲

君任公諱國楨述畧


律身以謙處世以和閭里每賴其陶鎔士林常奉

為楷模

安甫公諱綏猷述畧

敏才就法敏事訥言有為有守裕後承前屢膺大

故卒以自全雖遭時運蹇乘允推中原文獻



右所述二十一公係前朝介菴公手筆也歷今
又百有餘年其間碩德懿行固多可紀成竊有
志焉而未之逮也以俟吾宗諸父昆弟姪輩之
有筆而又有識有力者

皇清乾隆六年孟夏月穀旦

七十二世孫成謹識

以經史考證百家又望以漢魏

不爾則經文地不

完秋公

雖家舊業自能增新業不

君任公

七十二冊


皇清章劉六平益莫供據且

育華而又育端

安言公志誠而未公

獻又百育新平其間

故春湖發三十一



吳興施氏家乘

明 天啟元年 菱湖蘆家庄派

七十一世錦心公諱天性 修輯原本


國朝 雒南 安妥橋

七十五世 邑庠生 駿聲字起鵬 纂述

承修司事 七十四世士恒號秉庸 裁定

同承修司事 兄 景鉉

檢字校對 弟 士鑒



時 赫字赫維 庚 士望

大清龍飛乾隆十有八年歲次癸酉安妥后裔重修

承鈔同車 小十四世士望


小十五世 邑率主 興發字

國博 欽南 安妥橋 興安妥橋

小十一世 龍心公 翰天 抄 轉 京 本

天 煥 元 平 委 備 直 參 丑 斌

吳興 蘇 刃 宗 乘



吳興施氏重修家乘名目

桃東 樂平祠

修譜董首

南門渡口
遷居縣前

七十六世孫太學生政號春澤

大山場 歲貢生錦清號品巖

修譜總董

高灣支

七十八世孫邑庠生涓陽號璜溪

叅訂

松頭里


七十五世孫邑庠生似錦號一林

南門渡口
遷居縣前

七十七世孫邑庠生文鏐字寶茲

專司督催

三家村 七十六世孫應蘭字芳馨



專祠皆曾對

三泰林 十六世 蔣 蕪 蘭 中 蔣 馨

道光歲次壬寅仲秋之吉

穀旦

蔣 信

蔣 如 生 十 五 世 蔣 邑 宰 主 蔣 齡 然 一 林

蔣 齡 然 董

蔣 如 文 十 八 世 蔣 邑 宰 主 蔣 齡 然 蔣 齡 然

大山 嶺 嶺 貢 主 蔣 齡 然 蔣 齡 然


蔣 齡 董 首

蔣 齡 然 蔣 齡 然

十 六 世 蔣 大 學 主 蔣 齡 然 蔣 齡 然

林 東 樂 平 麻

吳 興 誠 凡 重 刻 宗 乘 各 目



領譜小引

家之有譜猶國之有史宜寶而藏之不可褻越以視也今我族譜之成實賴經理之力倘遇不肖子孫不加意珍惜以致污穢毀壞甚或忘本射利私售他人自干罪孽均我族所宜究黜者用將各支領譜冊數編序名題仙桂籍天府快先登每字編排一號共計譜十冊排定各譜各歸各領符同契合證照

字號列後

名字第一號

瓦甌支

鳳朝領

題字第二號

南樓支

南初領

仙字第三號

上海支

翔林領

桂字第四號

湖州支

永領

籍字第五號

南潯鎮支

鏘領

天字第六號

泮溪支

德卿領

府字第七號

施家村支

承琳領

快字第八號

施家村

菊庭領

先字第九號

新市鎮

劍青領

登字第十號

施家堂

泰領

以上共計譜拾册排定數目字號各照字號收領不

得紊領

請小臣

